

139 30.  
DEO OPTIMO MAX.

UNI ET TRINO.

VIRGINI DEIPARÆ, ET S. LUCE,  
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,  
*manè discutienda in Scholis Medicorum, die Jovis undecimâ Octavâ mensis  
Novembris, Anno Domini M. DCC. LXII.*

M. AUGUSTINO ROUX, Regiæ Societatis Rei Agrariæ,  
necnon Regiæ Scientiarum Academiæ Burdigalensis  
Socio, Doctore Medico, Præfide.

*Utrum omnes Humores corporis, tum excrementitii, tum recrementitii, ex Fermentatione  
producantur?*

I.



E Secretionibus hîc agendum; opus magnum sanè, maximisque intricatum difficultatibus; mirum enim quantum hæc materia hæcenus Medicorum ingenia torserit, quantumque in detegendâ organorum fabricâ, evolendâque humorum secretionem desudârunt Physiologi, ferè omnes. At quotiès gressus eorum sæpiùs repetitos iterare tentaveris, totiès, nil nisi, opiniones præconceptas, offendicula, aut præruptam undiquè viam reperies. Nulla sunt de hæc re, nulla, inquam, in quibus consistere rectè possit animus. Absit tamen ut tot excellentium in arte Virorum labores & laudem deterere coner, quin potiùs miror; at si circâ secretionem adeò parùm profecerint, indè natus error, quòd omnes in detegendâ organorum fabricâ, eorumque eruendâ ultimâ compage penitus occupati, nihil aut ferè nihil de materiâ secretionum, ortu, præparatione atque progressu investigare tentaverint. Quid enim, licet plura nos docuerit horumce temporum mira industria circâ apparatus glandularum atque viscerum, circâ variam nervorum actionem, eorundemque complicationes varias, nihil tamen video præter canales, vasa variorum ordinum variè disposita, anfractus, receptacula, &c. Sed quid hæc ad naturam secretionum? quis indè rationem Hepatis, Encephali, Renum, Glandularum, Testiculorum, cum Bile, Succo nervoso, Succo pancreatico, Urinâ & ipso semine audeat enarrare? neminem credo: aliundè ergò, & altiùs repetenda est doctrina secretionum, si quid in eâ aliquantulum proficere voluerimus.

Quicumque magnum naturæ spectaculum contemplabitur, brevè vel invitè etiàm fatebitur motum esse duplicem & omninò diversum, cujus ope cuncta sunt & reguntur in mundo; quorum primo mediante, corpora agunt & reagunt in se se invicem, pelluntur, cedunt, mutantur loco; totus extrinsecus est motus ille, & circâ superficies & ratione massæ solummodò vim suam exerit. Alter è contrâ, ipsamet corpora penetrando, intrâ eorum principia totus se diffundit, suæque actionis perennitate ipsa

A

conjungit aut disgregat; indè cuncta veluti creât, fovet, alit & auget; vel alterat; murat & denique destruit: hocque duplici unionis atque divisionis respectu fit causa efficax vitæ & mortis totius naturæ viventis & animatæ; (naturæ, inquam, viventis & animatæ.) Quid enim amplius asserere audeam! Quis scit an virtus eadem, aliùs serpendo, cuncta etiàm in universo non complectatur? Quis scit an rerum immensus orbis huncce motum, immediatè à Deo, tanquam principium suæ ipsius formationis, causamque suæ futuræ mutationis aut interitus semper præsentem & agentem sentiat atque patiatur? Sed ne circà res adeò disitas vagemur, tota animalium & vegetantium familia, cuncta quæ è sinu terræ altricis in auras assurgere videmus, sunt sub oculis nostris posita ad manumque locantur. Qui hæc attentâ indagine perspexerit, præsentem esse duplicem huncce motum brevè fatebitur. Motus hi duplices diversis etiàm operantur legibus, ut jam à Sapientiss. Præfide satis superque fuit demonstratum; (a) adeò ut unus Mechanicis tantùm pareat, dum leges merè Chymicas sibi vindicat alter; & uterque suis solummodò explicari potest. His ità priùs positis, huicce posteriori motui parere omnes secretiones, & hoc solo intelligi posse quæcumque circà illas fieri videntur asserimus. Quod ità dictum volo, ut à legibus Chymicis generari, non solum materiam nutritionis in vegetantibus ac animalibus, sed etiam omnes alii humores secreti, quorum adeò stupenda varietas in utroque regno, ut mentes in admirationem atque dubium ferè rapiat, utrum præstet alteri: hunc igitur motum (nam plures dantur motus Chymici,) speciatim fermentationis nomine insignimus, quam, non ex fictis opinionibus, sed argumentis ductis ex sedulâ observatione aut inductione fideli firmiter asstruere posse confido.

(a) Vid. Theol. ejus. utrum ex unico Legum sistematè deduci possint omnia phenomena animalis? 31. Decem. 1760.

## II.

**S**ED antequàm longiùs progrediamur, dicendum priùs quid sit fermentatio, & ab ejus definitione exordium ducendum arbitror; re enim benè explicatâ & intellectâ, faciliùs erit ire per cuncta, & clariùs evolvere, tum quæ jurè ad motum illum pertineant, tum quæ hisce legibus parere recusent.

» Fermentatio latius sumpta, ex stahlio, est motus intestinus, quo per congruum  
» fluidum, concreta ex diversi generis materiâ laxè compositâ, arripiuntur & longâ  
» inter-agitatione confricantur atque colliduntur, undè nexus ille præsentis compositionis  
» divellitur; divulsa corpuscula attritu attenuantur, & in novam firmiorem connexionem  
» conjunguntur.

Cùm igitur fermentatio nihil aliud sit, quàm motus intestinus ille, quo, mediante fluido, mixtio corporis homogenei divellitur, divulsa principia agitantur, & iterùm, inter se diversè cocundo, alias & alias iterùm mixtiones subeunt, novaque efformant corpora penitus diversa; ex definitione patet, inquam, quòd, quotiescumque dabitur tale corpus homogeneum, simili motu agitatum, toties aderit etiàm & destructio & nova regeneratio, ac prorsus fermentatio; quæ aggregationem non solum aggreditur, sed etiàm compagem ipsam mixtorum, quibus constat aggregatum, penitus dissolvit; ità ut hæc, per ultimam divisionem, in vera sua principia resolvantur: indè omnino differt fermentatio à divisione mechanicâ, quæ, si aggregata dividat, nunquàm tamen ex mixtis composita, neque mixta ex principiis divellere valet. Differt etiàm à motu illo, quo plura fluida homogenea, quamprimum quieti committuntur, statim in plures fatiscunt substantias, omnino naturâ diversas; ut videre est in succis quarundam plantarum resinosis lactescentibus, tum in lacte ipso atque demùm in sanguine è venis educito; hæc autem separatio potius affinitati & attractioni cuidam molecularum ejusdem naturæ, quàm fermentationi est adscribenda. Vana est igitur hæc adeò decantata distinctio in triplex genus fermentationis, vinosam nempe, acetosam, ac putrescentem aut putridam: vel unum genus tantùm admittendum est, cujus varia producta eruat

pro varietate motus fermentativi, variâque fermentantis naturâ; aut prorsus tot enumerandæ species, quot natura præbet corpora fermentantia, aut emergunt producta ex singulari fermentatione orta.

Diximus necessarium esse concursum fluiditatis scilicet aquæ, nam pro varia ejus actione aut majori vel minori quantitate, constat aut nullam prorsus fermentationem, habitâ tamen latitudine aliquâ, aut fore omninò diversam; quod de fermentatione spirituosâ & acidâ præcipuè verum est. Putrida enim fermentatio, extremos utrinquè fines faciliùs complectitur, minorem tamen, quo rectè peragatur, requirit fluiditatis & aquæ quantitatem; quin imò, quò plures in contactus ruunt moleculæ putrescentis corporis, eò citatior exoritur motus intestinus, atque urens calor; eò magis inter se confricantur principia & attenuantur; eò major spirituum alkalinorum proventus, dissipatio atque totius corporis rapida destructio. At verò in perfectè solidis, nulla potest esse fermentatio; hæc enim corpora, quot quot dantur, neque mutantur, neque alterantur, nisi per motum mechanicum, seu per affrictum, partes à partibus sensim divellendo, absquè ullâ tamen corporis naturæ mutatione; aut per menstrua Chymica, ut cum metallâ solvantur acidis; aut ignis ope tandem, quandò materia hæc summâ pernicitate, & penetrabilitate actâ, corporis aggregationem discutit, moleculasquæ à mutuis contactibus solummodò divellit, ut in fusione metallorum; aut penitus mixtionis principia secum aufert atque rapit, ut in eorundem calcinatione.

### III.

**P**RÆHABITA sic priùs verâ Fermentationis ideâ, exploremus igitur nûm reverâ sistat se similis motus verè fermentatorius, qui nutritionem & secretiones omnes in regno animali, tùm etiam in vegetabili paret atquè promoveat. Vegetantia in pastum animalibus itâ præbuit Natura, ut nullum sit, quod mediâtè aut immediâtè ex iis non enutriatur. Planta alimentum è terrâ & aëre proximè ducit; totum illud ferè aqueum est aut igneum; & itâ innocuum & dulce, ut vix ulla sit, quantumvis fera & venenata, quæ in infantia impunè non devorari possit, quia tunc nil nisi aquam continet & mucilaginem. Adolescenti verò paulatim caule, Planta, jam firmiorem nacta compagem, canales capaciores grandioraque spacia continet: Pars mucosa, quæ sola semper alimentum ac proinde incrementum partibus conciliat, auctâ quantitate, majori agitur motu, sitque Fermentatio, nequè spirituosâ tamen, neque putrida; sed ex lege Naturæ itâ peculiaris hujusce organisationi plantæ, ut non in aliis, nisi in consimilibus, similes edat effectus. Quot sunt genera Plantarum acriori sapore, validiori catharticâ virtute aut etiâ veneno donata, quæ tamen ex semine dulci vel esculento educuntur, totque indè diversa succorum & venenorum genera fundunt, ut nihil fortasse mirabilius varietate in rerum universitate se præbeat? Est profectò igitur vis quædam, quæ à germine exordium ducens, irâ succum terræ nutritum alterat atque mutat, ut brevi, ex simplici & homogeneâ illâ materiâ, tot varios producat humores, quorum alii per canales circulum obeunt, alii mox separati sistunt se in radicibus, alii in cortice transudant, in foliis alii, & multiplices etiâ, multumque diversi, in fructu atque semine locantur; qualia sunt extracta omnis generis, resine variæ; olea dulcia, amara, caustica; mucosum corpus, gummi, gluten, &c. tùm etiam partes coloratæ, partes volatiles florum, & olea essentialia. Vis igitur quæ hæc miracula promit, est tota intrinseca, hæretque fluidorum mixtioni, cujus principia discutit, & rursus sub novâ combinatione recolligit; quæ vis, præter ipsam fermentationem, nulla esse potest.

Sic ritè observatis atque pensatis quæ in vegetatione Plantarum se se præbent phænomena, nunc hiscè novis veluti auxiliis instructi, tutius nos atque securius ad animalia conferemus. Hæc, si itâ etiâ à primo conceptu contemplemur, nihil aliud animalculum præter partem quamdam mucosâ, albâ, aliquantulum sequacem, lymphatico more

concrefcibilem, dulcem atque fapore blandiffimam, intrâ teneriffimam membranulam vix fenfibilem convolutam, effe reperiemus. Quæ autem fic in viviparis per analogiam tantùm aufpicamur; in oviparis faltem plenâ demonstratione jam diù fuere comprobata. Ova fecundata diù abfque corruptione perdurare poffunt. Nihil eft intrâ putamen quàm duo fluidorum genera, albumen fcilicet & vitellum; quæ anbo primæ fcetus nutritioni alimentum à Naturâ comparatum effe videntur. In ovo, primum ftamen pulli futuri, tanquàm in thalamo, undiquè fuco alibili circumfufum collocatur. Ab inflanti quo ovum edidit gallina ad incubationem ufquè totum frigore & quiete occupatur; aft à primis incubationis diebus per totam fluidorum molem calor vitalis fe diffundit, cuncta cidentur in motum, pars gelatinofa tenuatur, subtilior fit, evolvitur ftamen; hæcendū humores intrâ canales ejus contenti, funt merè gelatinofi, albidi, atque blandiffimi; nullus eft fanguis ruber, non eft bilis, neque pinguedo, fed paulò poft brevè, increfcente pullo, fiftit fe cor movens, & poftèa guttula rubra fanguinis, quæ augetur in dies, quâ proportionem crefcunt animalculi partes, fluidaque intrâ alveos ampliores volumine volvuntur majori. Sic, aucto motu fluidorum intefino, vegetior fit fermentatio, & novi in dies creantur humores diverfi; donec tandem, confumpto omni alimento, firmatifque partibus, ex rupto tandem putamine in auras perfectæ fe prodat avis. Fœtus animalium in utero contentorum nil nifi succum gelatinofum à primis conceptionis diebus oculis præbent; tunc non adefl fanguis feu pars rubra, neque humores diverfi, vix adefl motus, quæ omnia, cum vitâ ipfâ, nifi poft aliquod definitum tempus nullatenus manifeflari certum eft. Quin imò fœtus ipfi aliquod antè partum tempus nifi blandiffimos geftant humores; infipidus fanguis, infipidum mœconium, infipida urina ipfa, neque tandem amara bilis. Cellulofum corpus, tanquàm mox futuræ pinguedini diverticulum univerfale à Naturâ deftinatum, tunc nifi fuco gelatinofa occupatur abundante; plurimâ vaforum fanguineorum ferie interpoftâ. Educto verò fcetu, vires paulatim acquirit atque crefcit animal; validiora funt organa digestionis, ampliuntur canales, magis in fluida agunt, vegetior fit fanguis ipfe, vividior circulatio ac proindè calor; cuncta in corpore firmantur, crefcunt: energiâ autem hâc vitali increfcente, promovetur fermentatio; magis tenuantur & elaborantur humores fuisque à Naturâ dicatis colatoriis appellunt adeo fumati, ut de alimentis nihil ampliùs referant; tunc reverà fcetidior, magisque colorata prodit urina; amariori fapore coloreque faturatori tinâta bilis; ipfa pinguedo abundantior cellulas loculosque fuos occupat & implet; donec tandem, inflante pubertatis ftadio, ex vegetiori fermentatione producatur femen, quod fanguini remixtum, more fortaffè fermenti, novas vires atque robur per membra diffundit: indè alteram quali vitam naâta animalia, perflataque hâc aurâ feminali proritantur; tunc obrepens novus ignis, hæret intrâ venas, in venerem rapit, efficitque, ut cupide generatim Sæcula propagent.

#### IV.

CONSTAT igitur cuncta omnis generis animalia in ovo aut utero materno, adhuc contenta, uno fimili puro homogeneo fuco fumme elaborato vefci atque enutrirî, hocque folo tot alios diverfos humores exoriri in corpore, ut, nifi oculis ipfis incurrerent, vix credibile videretur. Videamus nunc an eadem in adultis animalibus fe fe prodant miracula, atque iifdem regantur & producantur legibus. Ex duplici genere alimentorum vefcuntur animalia cuncta; funt, quæ cæde cæterorum folâ victum fibi parent, dùm pleraque alia ex vegetabili familiâ folâ enutriuntur; fed quantumque videatur hæc affumptorum diverfitas, quàm minimùm tamen eft difcrimen inter humores indè paratos! In herbivoris enim, non fecus ac in carnivoris, eadem eft amara bilis utraque; in utrifque muriaticum fanguinis ferum; urina multiplici falium



3  
genere, muco, terrâ, atque oleo tenui scatens facili in putredinem vertitur; pars tandem omnibus lymphatica dulcis est.

Panem aut carnem solum vescitur Homo, (utroque enim solo potest alimento sustentari corpus & sanitas foveri,) utroque solo, ope masticationis in ore, intermitioneque menstrui salivæ, emergit pasta quædam, quæ mox in ventriculum delata, ibique succo gastrico diluta, utpotè fermentescibilis, motu intestino, quem loci calor magis intendit; corripitur; motum hunc verè fermentationum indicant satis inflatio ventriculi, atque ructus ab odore & sapore panis jam omninò diversis; conficitur: inde Chylus; hic in intestina delatus, utriusque occurrit Bili, cujus pars quædam ejus acido jam paululum evoluto præcipitatur, dum altera remissa chylo, dilutionem ejus atque mixtionem, unà cum succo pancreatico, properat: tunc relictis fecibus, tanquam per cribrum, humor ille intrâ venas lacteas & canalem thoracicum absorptus, naturam lactis colore, sapore, atque consistentiâ irâ emulatur, ut vix inter Phytologos de hac re fuerit unquam dubitatum. Paulò post Chylus ille ad subclaviam advectus, sanguinis magno fluente, tanquam microcosmi oceano, immiscetur. Inde, aut brevi per mammarum arterias ad manibus appulsus, per tubulos earum lactiferos in lactantibus scēminis emulgetur; aut prorsus perennitate tum intestini tum circulatorii motus, mutatur in sanguinem ipsum. Lac sic separatum quàm proximum est chylo; ita ut quàm verisimillimum sit, chylum, si satis magnâ posset quantitate colligi, quieti commissum, brevi, lactis instar, in triplicem fatiscere substantiam, butyraceam unam seu oleosam, concretam, nec nisi certo caloris gradu liquecentem, aquæ prorsus immiscibilem. Caseosam aliam; seu mucosam aquæ minis inimicam, acidis, & alkalinis, tum spiritu fermentato coagulabilem. Tertiam denique serosam copiosiorē, sale quodam, sacchari instar, dulci, tectam. Hæc autem principia ex succo panis vel ex Lymphâ animali, vix nisi pro majore elaboratione diversis, ortum ducere, sed in ipso succo nullatenus sub eadem formâ aggregatâ præexistere certum est. Inde patet alimenta jam, ab ore usque ad influxum in sanguinem magnam mixtionis suæ dissolutionem passa, fermentationem subiisse. Neque mutationum finis est: Chylus, semper motu eodem agitur, naturam sanguinis omninò à se diversam paulatim induit; indeque cunctis corporis humoribus atque secretionibus materiam & ortum subministrat. Secretio quæ prima se offert, utpotè minus mutata, est ipsa pinguedo, quæ per primam minimamque alimentorum decompositionem separata, (uti etiam à primo fermentationis vinosæ insultu separatur oleum,) jam in sanguine fluitans brevi foras amandatur, atque intrâ cellulosum corpus tantâ colligitur abundantia, atque celeritate, ut altilia plerumque brevi temporis spatio ad crepaturam ferè turgeant, naturamque alimenti, tum sapore tum odore redolectant. Pinguedo illa est eadem quæ in lactantibus serosæ atque mucosæ parti remissa, alborem atque opacitatem lacti conciliat, butyrumque efformat; plurimum hætenus in utroque statu continet acidi, & ideo vegetabili prolapsiæ potiusquam animali videtur adscribenda, suamque adhuc mucosam refert originem. Secunda quæ ordine se manifestat, est urinæ secretio; quò propius hæc à pastu ejicitur, eò purior, copiosior, minorique quantitate principiorum referta, tota ferè aquea; quò verò tardius, eò parcius, sed putida magis coloreque saturatior est. Hæc utpotè unicum solvens arripit cuncta salia, & ea quæ cum alimentis fuere assumpta, & quæ ex eorum decompositione, energiæque animali fuere efformata. Arripit quoque partes odoratas corporum quorundam, seu sint naturæ ab oleo diversæ, seu magis attenuatæ, solutionem quamdam in aqueo menstruo patiantur. Renum igitur secretio est altera fentina quâ, natura, nimia exundante aquâ, salibus, oleo, muco, & terrâ subtili inutilibus aut planè nocivis sese exonerat atque liberat: deinde succedunt omnes aliæ secretionēs, tum quæ in variis sunt cavitatibus ad usus varios destinatæ, tum quæ excrementitio nomine veniunt, ideoque foras amandantur. Hæ enim secretionēs, ut loco, ita quoque naturâ plerumque diversæ; sunt enim quæ aquam magis refe-

runt, ut perspirationis materia, saliva ipsa, quamvis aëtuosiori facta sale; sunt quæ lympham magis æmulantur ut humor pericardii, atque cerebri ventriculorum; aliæ sunt mucosæ atque glutinosæ naturæ, quæ licet morâ & calore spissiores factæ, solutionem tamen in aquâ, quidquid dicant Physiologi, facilem, atque plenam patiuntur; ut mucositas narium, faucium, palati, &c. tandem venit medullæ ossium, quæ nihil aliud est quàm pinguedo summè attenuata, & juncturarum linimentum, quod ex ipsâ medullâ, & gelatinosâ parte remissum, naturam utriusque aliquantulum æmulatur. His omnibus ita liberatus sanguis, intentioni naturæ accommodatur, duplici, quem ipsa sibi posuit scopo, animalis scilicet conservandi atque propagandi, aptior evadit; quæ scopum ope lymphæ alibilis & seminis ferè ejusdem notæ ipsa attingit. Nihil dicam de succo nervoso; quorum enim ne quidem constat existentia, de iis quidquam affirmare temerarium.

Quid dicam de parte rubrâ rutilantiori sanguinis? Nam, seu sit oleosa, seu martialis, evertit saltè adeò celebratam Lewenhoeckii opinionem, qui, ex Microscopio falsò edoctus, globulum rubrum sex seroforum coalitione coagmentari haud dubitanter assererat; oleosa enim ex serosis partibus per adhesionem conflari vix credibile est, ne dicam absurdum. Adde insuper, quòd rutilans hic rubor non sit color phantasticus, ut loqui amant; sed verus atque realis color, ita materie globulorum intimè inhærens, ut, nisi præviâ mixtionis suæ dissolutione, mutari aut destrui possit.

Nunc ad Bilem deveniamus, haud dubiò unam ex præcipuis secretionibus naturæ vigilantis principem ferè dicendam, quæ, si parciore secernatur, aut diutius fuerit retenta, in certam totius œconomiae animalis perniciem & ruinam accumulatur. Sanguis maximâ quantitate ad imum ventrem delatur, per cœliacam & mesentericas duas, brevè abundantissimâ, tum ferossâ, tum mucosâ, atque oleosâ secretionem intestinali, suo fluido atque vehiculo orbat; intrâ ultimos venæ portarum fines recipitur, in quibus, ut deinde in ramis majoribus, tum in venâ ipsâ atque in sinu ejus, moras circulationi nectunt lentor & viscositas spoliati sanguinis, tum etiâ ipsa inertia partium quas alluit. Rubra pars, propter nimiam exhalationem cæterorum principiorum sanguinem constituentium, copiosior hic facta, densata magis apparet, nigrescit; motu autem retardato quieti ferè commissa, exhalationibusque intestinalium infecta, magis in se se agit, fermentat, divelluntur principia ejus atque mutantur; quas mutationes non impedit, æst fortasse promovet, moram eandem, passus etiâ sanguis ex liene redux. Sanguis sic subactus, crassimque mutatus, appellit ad hepar, purior pars ejus minùsque decomposita venis hepaticis recepta, in cavam detruditur; altera autem, ex mente Sapientissimi Præsidis, non amplius sanguis, sed bilis jam facta, intrâ poros bilarios secernitur, defertur ad vesiculam, aut immediatè per canalem suum in intestina insluit, inde per venas lacteas resorbenda, aut per ultimam hanc sentinam unâ cùm ramentis feculentisque alimentorum parte fermentatâ foras eliminatur. Totum igitur opus naturæ in eo consistit, ut sibi paret victum, quo œconomia animalis conservetur, crescat aut sustentetur, ac tandem suæ per generationem propagationi faveat; huc tota intendit, niritur, atque collimat; sed cùm corpora externa sint semper naturæ diversa, indigent præparatione præviâ ut in usum adhiberi queant; quæ præparatio absque absolutâ decompositione nullatenus fieri potest; ex illâ autem mixtorum dissolutione intimâ, emergant necesse est plurima nova diversæ indolis, corpora, quorum plura, utpotè inutilia, expellere festinat Natura prudens; multa alia, non ad suam conservationem, sed ad alios usus apta secernit atque reservat; dùm corpus gelatinosum, seu lymphâ nutritiâ, summum sui laboris emolumentum, merces atque decus, cui parandæ totis viribus, continuèque enititur, est materia sola, quæ duplici conservationis atque generationis scopo adhibeatur. Quis ergo audeat asserere ex uno solo alimento homogeneo posse ita per motum mechanicum, seu divisiones &

agitationes diversas atque separationes abrarum molecularum, posse, inquam, generari res adeò diversas, seu quoad sensus spectes, seu Arte Chymicâ aut quâcumque aliâ analysi adhibitâ explorentur? Quas autem mutationes, à primâ scilicet formatione, usque ad plenam ætatem recensimus, eas, tum in animalibus, tum etiâ in vegetabilibus; itâ clarè vidit, sensit, explicavit, in argumentaque adhibuit, Clariss. neque satis laudatus Vir utriusque Apollinari Laureâ donandus Albertus Haller, ut mirum sit, quòd exindè subito fermentationem adesse non conclamaverit (b).

V.

(b) Vid.  
Elem. Physiol.  
Tom. II. pag.  
472.

**N**UNC videamus Physiologorum an fuerit aliquis, qui de hac re, materiâ videlicet secretionum dilucidius aliquantò scripserit. Cartesius, quem secuti sunt præstantes in arte Viri; humorum secretionem à figuris pororum discernendarumque particularum pendere docuit, affirmans tot cribra esse viscera corporis animalis, quorum foramina varietate figurarum infinitâ gaudeant, itâ ut singulum foramen eas tantum admittat particulas, quæ figuræ similitudine sibi respondeant. Arrisit miâ simplicitate omnibus systema novum, rapuitque animos in admirationem atque consensum fama viri ingens; ast hypotheseum, à Glissonio concussam priùs, paulò post Pitcarnius penitus evertit. Successit huic Colatoriorum Doctrina, quæ ex mente Leibnitzii atque aliorum, tum præcipuè Winslowii nostri, ab origine primâ, suo liquore imbuta omnem cæteris viam & aditum præcludere autumabant; accessit his Newtonius cum suis sequacibus, qui ex attractionis vi tum molecularum fluidorum ejusdem naturæ inter se, tum ex ipsarum ad visceris densitatem densitate comparatâ, tanquam à magnatismo, animali coæteraneo, hanc secretionum successione atque perennitatem explicare tentaverunt; sed opinionibus suprà dictis repugnant cum ipsæ humorum perversæ aberrationes in morbis, tum etiâ ipsa earumdem diversitas atque mutatio, quam ab embryone usque ad adultam ætatem patiuntur. Paulò post exorians mechanicorum secta, alias omnes pessumdedit; hi enim, quorum antesignanus est Boerhaavius, cuncta in œconomia animalis à calculum & leges Physicas revocantes explicaverunt. Indè secretiones omnes ex distantia arteriæ à corde, ex vasorum circumvolutionibus atque complicationibus diversis, ex multiplici in finibus divisione, & proportionem singulari ramorum ad truncum; tum etiâ à vi diversâ exprimente externâ & internâ, à morâ breviori aut diuturniori, atque humorum mutatione in suo cavo; à varietate partium sanguinem constituentium, diversâque earumdem naturâ, proportionem, densitate atque velocitate, interpretari non dubitaverunt. Est & alia opinio ex Stahllo, primùm deducta, quæ secretionum imperium in animam & nervos confert; ita ut cuilibet organo, vel glandulæ veluti sensum atque Sphincterulos præponant, quorum ope admittitur humor ille huic sensationi erigendæ aptissimus; Sphincteruli illi, nervis naturæ diversæ, varièque complicatis reguntur, ita ut claudantur aut recludantur pro diversitate appellentis humoris, aut aliâ qualicumque irritatione adhibitâ; suus est ergò sensus atque tonus cuilibet glandulæ, non secus ac observatur adesse in organis, oculorum, aurium, nasi, linguæ, &c. Sunt etiâ multæ aliæ opiniones quasi mediæ, atque his aut illis magis affines; sed omnes, aut observationibus & experientiæ repugnant, aut nullatenus sunt demonstratæ. Sed quæcumque fuerint, nihil ad rem nostram pertinent; omnibus enim de separatione & excretionem humorum solummodò sollicitis, ne unus quidem ad earumdem præparationem & elaborationem attendit.

Schola Chymicorum sola magis à propinquo veritatem suspexit; verâ enim & genuinâ corporum analysi edocti, mutationes humorum varias nullatenus à motu progressivo aut mechanico pendere posse optimè senserunt. Ast cum ideam fermentationis generaliore, castam atque claram nondum concepissent, hærentes in dubio dixerunt, ut fermentationes, esse, quot organa secretionum. Et ideo singulis glandulis suum

fermentum peculiare affixerunt, cujus efficaciam sanguis, hic ita mutaretur; ut naturam semper humoris ibi fecernendi indueret. Sed jam dudum obsoleta Chymicorum opinio, aliis neque melioris notæ cessit. Ita enim observationi repugnant Helmontii innumera illa fermenta, ut nullo modo tueri queant.

Sed cum constet evidentiam œconomiam animalem crescere, conservari atque propagari alimentorum ope, alimenta quoque vi vitæ ita mutari, ut varii inde emergant humores, non solum ab alimento ipso, sed etiam à seipsis pro individui infantiâ, aut ætate pleniori, atque morbi aut sanitatis actione, constantiam penitus diversos; has, inquam, mutationes ab orificiis vasorum atque meatuum, quæ nisi foramina majora vel minora præbent, aut ab humorum fluiditate, vel ab elasticitate solidorum, quæ motum mechanicum inferendo, ideam solummodò divisionis merè mechanicæ menti inducunt, posse explicari & intelligi repugnat. Quis enim motui mechanico, adscribere audeat quæ sese in animalibus dant phænomena? Plura enim sunt quorum venena, aut humores diversi, saliva præcipue, tantò majori efferruntur energiâ, quantò diuturniorem patiuntur famem aut acriori inflammantur irâ; qui fit etiam, ut in quibusdam morbis, ita agitentur atque depraventur humores, ut adstantes contagio afficiant, aut intolerabili, ad nauseam, suo fœtore fugent? Ità exasperascunt atque exacerbescunt, ut paulatim fatiscente vi vitæ, consumptoque ægro, brevè duas inter post mortem horas, totum undique putredine dissuat cadaver. Hæc enim absque fermentationis ideâ intelligi posse & explicari, attentus qui dicat, vix reperies. Itaque jure concludimus:

*Ergò omnes Humores corporis, tum excrementitii, tum recrementitii, ex fermentatione producuntur.*

## DOMINI DOCTORES DISPUTATURI.

*M. Achilles Guillelmus le Begue  
de Bresse, Eques & Censor  
Regius.*

*M. Stephanus d'Huisme.*

*M. Hiacyntus Theodorus Baron;  
anticus Facultatis Decanus,  
necnon Castorum Regis &  
Exercituum in Germaniâ &  
in Italiâ Proto-Medicus.*

*M. Cæsar Coste, Censor Regius.*

*M. Josephus Dussans.*

*M. Ludovicus - Maria Pouffe;  
Eques & Censor Regius.*

*M. Petrus Joannes - Claudius  
Manduyt de la Varenne.*

*M. Joannes - Armandus Roussin  
de Montabourg.*

*M. Antonius Casamajor, Censor  
Regius.*

Proponebat Parisiis JOANNES D'ARCET, Severopolitanus - Adurensis,  
Doctör Medicus Burdigalensis, necnon saluberrimæ Facultatis Medicinæ Parisiensis  
Baccalaureus, Theos Auctor. A. R. S. H. 1762.

A SEXTA AD MERIDIEM.